

周

禮

四





周禮卷第七

夏官司馬第四

周禮

鄭氏注

惟王建國辨方正位體國經野設官分職以為民極乃立夏
官司馬使帥其屬而掌邦政以佐王平邦國

政正也政所以正不正者也孝經說曰政者



德名政官之屬大司馬卿一人小司馬中大夫二人軍司馬
十人輿衆也行謂軍行列晉作六軍而有三行取名於此凡制軍萬有二千五百人為軍

王六軍大國三軍次國二軍小國一軍軍將皆命卿二千有五
百人為師師帥皆中大夫五百人為旅旅帥皆下大夫百人為卒
卒長皆上士二十五人為兩兩司馬皆中士五人為伍伍皆有

長軍師旅卒兩伍皆衆名也伍一比兩一閭卒一族旅一黨師一州軍一鄉家所出一人將帥長司馬者其師吏也言軍將皆命卿則凡軍帥不特置選於六官

六卿之吏自卿以下德任者使兼官焉鄭言豐辰云王六軍大國三軍次國二軍小國一軍故春秋傳有大國次國小國又曰成國不過半天子之軍周為六軍諸侯之大者三軍可也詩大雅常武曰赫赫明明王命卿士南沖大祖大師皇父整我六師以脩我戎既備既戒惠此南國大雅文王曰周王于邁六師及之此周為六軍之見于經也春秋傳曰王使號公命曲沃伯以一軍為晉侯此小國一軍之見于傳也百人為卒二十五人為兩故春秋傳曰廣有一卒卒偏之兩一軍則二

府六史胥十人徒百人

司勳上士二人下士四人府二人史四人胥二人徒二十人

故書

動作勳鄭司農云勳讀為勳勳功也此官主功賞故曰掌六卿賞地之法以等其功

馬質中士二人府一人史二人賈四人徒八人

質平也主買馬平其大小之賈直

量人下士二人府一人史四人徒八人

量猶度也謂以丈尺度地

小子下士二人史一人徒八人

小子主祭祀之小事

羊人下士二人史一人賈二人徒八人

司燿下士二人徒六人故書燿為燿杜子春云燿當為燿書亦或為燿燿為私火立謂燿讀如子若觀火之觀今燕俗名湯

熱為觀則燿火謂執火與

掌固上士二人下士八人府二人史四人胥四人徒四十人國

所依阻者也國曰固野曰險易曰王公設險以守其國

司險中士二人下士四人史二人徒四十人

掌疆中士八人史四人胥十有六人徒百有六十人疆界也

候人上士六人下士十有二人史六人徒百有二十人候候迎賓客之來者

環人下士六人史二人徒十有二人環猶卻也以勇力卻敵

挈壺氏下士六人史二人徒十有二人挈讀如繫髮之繫壺盛水器也世主挈壺水以為漏

射人下大夫二人上士四人下士八人府二人史四人胥二人

徒二十人

服不氏下士一人徒四人服不服不服之獸者

射鳥氏下士一人徒四人

羅氏下士一人徒八人能以羅網捕鳥者郊特牲曰大羅氏天子之掌鳥獸者

掌畜下士二人史二人胥二人徒一十人畜謂斂而養之

司士下大夫二人中士六人下士十有二人府二人史四人胥

四人徒四十人

諸子下大夫二人中士四人府二人史二人胥二人徒二十人

諸子王公卿大夫士之子者或曰庶子

司右上士二人下士四人府四人史四人胥八人徒八十人右

有勇力之士充王車右

虎賁氏下大夫二人中士十有二人府二人史八人胥八十人

虎士八百人

不言徒曰虎士則虎士徒之選有勇力者

旅賁氏中士二人下士十有六人史二人徒八人

節服氏下士八人徒四人

世為王節所依服

方相氏狂夫四人

方相猶言放想可畏怖之貌

大僕下大夫二人小臣上士四人

祭僕中士六人

御僕下士十有二人府二人史四人胥二人徒二十人

僕侍御於尊者

之名大僕其長也

隸僕下士二人府一人史二人胥四人徒四十人

此吏而曰隸以其事藝

弁師下士二人工四人史二人徒四人

弁者古冠之大稱委貌緇布曰冠

司甲下大夫二人中士八人府四人史八人胥八人徒八十人

甲今之鎧也司甲兵戈盾官之長

司兵中士四人府二人史四人胥二人徒二十人

司戈盾下士二人府一人史二人徒四人

戈今時戟

司弓矢下大夫二人中士八人府四人史八人胥八人徒八十人

司弓矢弓弩矢箛官之長

繕人上士二人下士四人府一人史二人胥二人徒二十人

繕之

言動也善也

橐人中士四人府二人史四人胥二人徒二十人

鄭司農云橐讀為芻橐之

橐箭幹謂之橐此官主弓弩箭矢故謂之橐人

戎右中大夫二人上士二人

右者參乘此充戎路之右田獵亦為之方焉

齊右下大夫二人

充玉路金路之右

道右士士二人充象路之右

大馭中大夫二人取之最尊

戎僕中大夫二人取言僕者此亦侍御於車

齊僕下大夫二人古者王將朝覲會同必齊所以敬宗廟及神明

道僕上士十有二人王朝朝莫以主御王以與諸臣行先王之道

田僕上士十有二人

馭夫中士二十人下士四十人

校人中大夫二人上士四人下士十有六人府四人史八人胥

八人徒八十人校之為言校也主馬者必仍校視之校人馬官之長

趣馬下士阜一人徒四人趣馬趣養馬者也鄭司農說以詩曰蹶惟趣馬

巫馬下士二人醫四人府一人史二人賈一人徒二十人巫馬知馬

周禮七
祖先牧馬社馬步之神者馬疾若有犯焉則知之是以使與醫同職

牧師下士四人胥四人徒四十人主牧放馬而養之

廋人下士閑二人史二人徒二十人廋之言數

圉師乘一人徒二人圉人良馬匹一入駑馬馬麗一人養馬曰圉四馬為乘

良善也麗耦也

職方氏中大夫四人下大夫八人中士十有六人府四人史十

有六人胥十有六人徒百有六人職主也主四方之職貢者職方氏主四方官之長

士方氏上士五人下士十人府二人史五人胥五人徒五十人

上方氏主四方邦國之土地

懷方氏中士八人府四人史四人胥四人徒四十人懷來也主來四方之民及其物

合方氏中士八人府四人史四人胥四人徒四十人合方氏主合同四方之事

訓方氏中士四人府四人史四人胥四人徒四十人訓道也主教道四方之民

形方氏中士四人府四人史四人胥四人徒四十人形方氏主制四方邦國之形體

山師中士二人下士四人府二人史四人胥四人徒四十人

川師中士二人下士四人府二人史四人胥四人徒四十人

邊師中士四人下士八人府四人史八人胥八人徒八十人邊地之廣平者

匡人中士四人史四人徒八人匡正也主正諸侯以法則

擯人中士四人史四人徒八人擯人主擯序主意以語天下

都司馬每都上士二人中士四人下士八人府二人史八人胥八人徒八十人都王子弟所封及三公采地也司馬主其軍賦

家司馬各使其臣以正於公司馬家卿大夫采地正猶聽也公司馬國司馬也卿大夫之采地王不特置司馬各自使其家臣為司馬主其地之軍賦往聽政於王之司馬正之司馬其以王命來有事則曰國司馬

大司馬之職掌建邦國之九灋以佐王平邦國平成也制畿封

國以正邦國封謂立封於疆為界設儀辨位以等邦國議謂諸侯及諸臣之儀辨別也別尊卑之位

進賢興功以作邦國興猶舉也作起也起其勸善樂業之心使不惰廢建牧立監以維邦

國牧州牧也監監一國謂君也維猶聯結也制軍詰禁以糾邦國詰猶窮治也糾猶正也施貢分

職以任邦國職謂賦稅也任猶事也簡稽鄉民以用邦國簡謂此數之稽猶計也

均守平則以安邦國諸侯有土地者均之尊者守大卑者守小則法也比小事大以和邦國

比猶親使大國親小國小國事大國相合和也易比象曰先王以建萬國親諸侯以九伐之灋正邦國諸侯有違王命則出

兵以征伐之所以正之也諸侯之于國如樹木之有根本是以言伐云馮弱犯寡則責之馮猶乘陵也言不字小而侵侮之責猶人

皆瘦也王霸記曰四面削其地賊賢害民則伐之春秋傳曰粗者曰侵精者曰伐又曰有種鼓曰伐則伐者兵入其竟鳴鐘鼓以往所

以聲暴內陵外則壇之內謂其國外謂諸侯壇讀如同壇之壇王霸記曰置之空壇之地鄭司農云壇讀從壇之以威之壇書亦

或為壇玄謂置之空壇以野荒民散則削之荒蕪也田不治民不附削其地明其不能有負固

出其君更立其次賢者

不服則侵之負猶待也固儉可依以固者也不服不事大也侵之者兵加其竟而已用兵殘者詩曰密人不恭敢距大邦賊殺其

親則正之正之者執而治其罪王霸記曰正殺之也春秋僖二放弑其君則

殘之放逐也殘殺也二霸犯令陵政則杜之命也陵政者輕政法不循也杜

著社稷不得與鄰國交通外內亂鳥獸行則滅之王霸記曰悼人倫外內無以異于禽獸不可親百姓則誅滅去之也曲禮曰

夫唯禽獸無禮故父子聚麀正月之吉始和布政于邦國都鄙乃縣政象之灋

于象魏使萬民觀政象挾日而斂之以正月朔日布三政於天下至正歲又縣政法之書挾日十日

也乃以九畿之籍施邦國之政職方千里曰國畿其外方五

百里曰侯畿又其外方五百里曰甸畿又其外方五百里曰男

畿又其外方五百里曰采畿又其外方五百里曰衛畿又其外

方五百里曰蠻畿又其外方五百里曰夷畿又其外方五百里

曰鎮畿又其外方五百里曰蕃畿畿猶限也自王城以外五千里為界有分限者九藉其禮差之書也政職

所共王政之職謂賦稅也故書畿為近鄭司農云近當言畿春凡令賦以地

與民制之上地食者參之一其民可用者家三人中地食者

半其民可用者二家五人下地食者參之一其民可用者家二

人賦給軍用者也令邦國之賦亦以地之美惡民之衆寡為制如六遂矣鄭司農云地謂肥美田也食者參之二假令一家有三頃歲種二頃休其一頃下地食

者參之一田薄惡者所休多中春教振旅司馬以旗致民平列陳如戰之陳以旗

旗期民於其下也兵者守國之備孔子曰以不教民戰是謂棄之兵者凶事不可空設因蒐狩而習之凡師出曰治兵入曰振旅習習戰也四時各教民以其一焉春習

振旅兵入收衆專於農平猶正也辨鼓鐸鑼錙之用王執路鼓諸侯執賁鼓軍將

執晉鼓師帥執提旅帥執鼙卒長執鐃兩司馬執鐸公司馬執

錙鼓人職曰以路鼓鼓鬼神以賁鼓鼓軍事以晉鼓鼓金奏以金鐃止鼓以金鐸通鼓以金鑼節鼓鄭司農云辨鼓鐸鑼錙之用謂鉦鐸之屬錙讀如獨其原之

獨鐃讀如謹曉之曉提讀如攝提之提謂馬上鼓有曲木提持鼓立馬髦上者故謂之提杜子春云公司馬謂五人為伍伍之司馬也玄謂王不執賁鼓尚之於諸侯也伍長謂之公司馬者雖卑同其號以教坐作進退疾徐䟽數之節習戰遂以蒐田有

司表貉誓民鼓遂圍禁火弊獻禽以祭社春田為菟有司大司徒也掌火田役治徒庶之政令

表貉立表而貉祭也誓民誓以犯田法之罰也誓曰無于車无自後射立旂遂圍禁

旂弊爭禽而不審者罰以假馬禁者虞衡守禽之厲禁也既誓冬鼓而圍之遂菟田

火弊火止也春田主用火因焚萊除陳草皆殺而火止獻猶致也屬也田止虞人植

旌衆皆獻其所獲禽焉詩云言私其糞獻肩于公春田主祭社者士方施生也鄭司

農云貉讀為馮馮謂師祭也書亦或為馮中夏教芟舍如振旅之陳羣吏撰車徒讀書契

辨號名之用帥以門名縣鄙各以其名家以號名鄉以州名野

以邑名百官各象其事以辨軍之夜事其他皆如振旅芟讀如萊

舍草止之也軍有草止之法撰讀曰算算車徒謂數擇之也讀書契以簿書校錄軍

實之凡要號名者微識所以相別也鄉遂之屬謂之名家之屬謂之號百官之屬謂之事

在國以表朝位在軍支象其制而為之被之以備死事帥謂軍將及帥帥旅帥至五長

也以明名者所被微識如其在門所樹者也凡此言以也象也皆謂其制同耳軍將

皆命卿古者軍將蓋為營治於國門魯有東門襄仲宋有桐門右師皆上卿為軍將

者也縣鄙謂縣正鄙師至鄉長也家謂食采地者之臣也鄉以州名亦謂州長至此

長也野謂公邑大夫百官以其職從王者此六者比日書其官與名氏焉門則襄仲右

師明矣鄉則南鄉甄東鄉為人是也其他象此云某某之名某某之號某某之事而

已未及聞也鄉遂大夫文錯不見以其素信于民不為軍將或為諸

帥是以闕焉夜事戒夜守之事草止者慎於夜於是主別其部職遂以苗田

如菟之澆雲車弊獻禽以享初夏田為苗擇取不孕任者若始苗去不秀

示所取物希皆殺而車止王制曰天子殺則下大級諸侯殺則下小級大夫殺則止

佐車佐車止則百姓曰備禘宗廟之夏祭也冬夏田主于祭宗廟者陰陽始起象神

之在中秋教治兵如振旅之陳辨旗物之用王載大常諸侯載

-5 85 35 915" data-label="Text">

旂軍吏載旗師都載旌鄉遂載物郊野載旌百官載旗各書其

事與其號焉其他皆如振旅軍吏諸軍帥也師都遂大夫也鄉遂鄉大夫

也或載旌或載物衆屬軍吏无所將也郊謂

卿遂之州長縣正以下也野謂公邑大夫載旌者以其將姜卒也百官卿大夫也載

旗者以其屬衛王也凡旌旗有軍衆者書異物死者帛而已書田為畫事也號也皆

畫以遂以彌田如菟田之澆雲羅弊致禽以祀枋秋田為彌彌殺也羅

弊罔止也秋田主用

罔中殺者多也皆殺而罔止枋當為方聲之誤中冬教大閱春辨鼓鐸夏辨號

也秋田主祭四方報成万物詩曰以社以方

大閱簡軍實凡頒旗物以出軍之旗則如秋以尊卑之常則如冬

司常佐司馬時也大閱備軍禮而旌旗不如出軍之時空辟實前期羣吏戒

衆庶脩戰灋羣吏鄉虞人萊所田之野為表百步則一為二

表又五十步為一表田之日司馬建旗于後表之中羣吏以

-5 640 35 915" data-label="Text">

旗物鼓鐸鑼各帥其民而致質明弊旗誅後至者乃陳車徒

如戰之陳比日坐鄭司農云虞人萊所田之野其除其草萊今車得驅馳詩曰田卒汚萊玄謂萊艾除可陳之處後表之中五十步表之中央表

所以識正行列也四表積二百五十步左右之廣當容三軍步數未聞致致之司馬質正也弊什也皆坐當聽誓羣吏聽誓于陳前

斬牲以左右徇陳曰不用命者斬之羣吏諸軍帥也陳前南面鄉表也月令季秋天子教于田獵以

習五戎司徒摺扑比面以誓之此大閱禮實正歲之中冬而說季秋之政於周為中冬為月令者矢之矣斬牲者小子也凡誓之大畧甘誓湯誓之屬是也中

軍以鼙令鼓鼓人皆三鼓司馬振鐸羣吏作旗車徒皆作鼓

行鳴鑼車徒皆行及表乃止三鼓攬鐸羣吏弊旗車徒皆坐

中軍中軍之將也天子六軍三三而居一偏羣吏既聽誓各復其部曲中軍之將令鼓鼓以作其士眾之氣也鼓人者中軍之將帥旅帥也司馬兩司馬也振鐸以作

眾作起也既起鼓人擊鼓以行之伍長鳴鑼以節之伍長一曰公司馬及表自後表前至第二表也三鼓者鼓人也鄭司農云攬讀如弄立謂如涿鹿之鹿掩上振之為

攬攬者止行息氣也司馬法曰鼓聲不過閭聲聲不過闔聲聲不過琅又三鼓振鐸作旗車徒皆作鼓進

鳴鑼車驟徒趨及表乃止坐作如初趨者赴敵尚疾之漸也春秋傳曰先人有奪人之心及表自弟

二前至乃鼓車馳徒走及表乃止及表自第三前至前表鼓戒三闕車三

發徒三刺鼓戒戒攻敵鼓壹闕車壹轉徒壹刺三而止象服敵乃鼓退鳴鑼且卻及表乃止

坐作如初鑼所以止鼓軍退卒長鳴曉以和眾鼓人為止之也退自前表至後表鼓鐸則同習戰之禮出入一也退者廢鑼而鳴鑼遂以

狩田以旌為左右和之門羣吏各帥其軍徒以敘和出左右

陳車徒有司平之旗居卒間以分地前後有屯百步有司巡其

前後險野人為主易野車為主冬田為狩言守取之无所擇也軍門曰和今謂之壘門立兩旌以為之敘和出

用次弟出和門也左右或出而左或出而右有司平之鄉師居門正其出入之行列也旗軍吏所載分地調其部曲疏數前後有屯百步車徒界羣相去之數也車徒畢

出和門鄉師又巡其行陳鄭司農云險野人為主人居前易野車為主車居前既陳乃設驅逆之車有司表貉

于陳前驅驅出禽獸使趨田者也逆逆要不得令走設此車者田僕也中軍以鼙令鼓鼓人皆三鼓

羣司馬振鐸車徒皆作遂鼓行徒銜枚而進大獸公之小禽私

之獲者取左耳羣司馬謂兩司馬也枚如箸街之有繼結項中軍法止語為相疑或也進行也鄭司農云大獸公之輸之於公小禽私之以自

界也詩云言私其穢獻肩于公一歲為穢二歲為犯三歲為特四歲為肩五歲為慎此明其獻大者於公自取其小者玄謂慎讀為慶祭雅曰豕生三日豨豕牲曰犯穢

札曰慶獲得也得禽獸及所敝鼓皆駮車徒皆譟鄭司農云及所弊至者取左耳當以計功所弊之處玄謂至所弊之處田所當於止也天子諸侯蒐獸有常至其常處吏士鼓譟象功敵剋勝而喜也疾雷擊鼓曰駮譟誰也書曰前師乃鼓鼓譟亦謂喜也徒乃敝

致禽饁獸于郊入獻禽以享烝徒乃弊徒止也冬田主用衆物多衆得取也致禽饁獸于郊聚所獲禽因以祭四方

神於郊月令季秋天子既田命主祠祭禽四方是也入又以禽祭宗廟及師大合軍以行禁令以救無辜

伐有罪師所謂王巡守若會司馬起師合軍以從所以威天下行其政也不言大者未有敵不尚武若大師則掌其戒

令涖大小帥執事涖大帥王出征伐也涖臨也臨大小出參之主謂迂廟之主及社主在軍者也軍器鼓鐸之屬凡師既受甲迎主于廟及社主祝奉以以從殺牲以血塗主及軍器皆神之及致建太常

比軍衆誅後至者比或作庄鄭司農云致謂聚衆也庄具也及戰巡陳

眠事而賞罰事謂戰功也若師有功則左執律右秉鉞以先愷樂

獻于社功勝也律所以聽軍聲鉞所以為將威也先猶道也丘樂曰愷獻于社獻功于社也司馬法曰得意則愷樂愷歌示喜也鄭司農云故城濮之戰春

秋傳曰振旅愷以入于晉若師不功則厭而奉主車鄭司農云厭謂厭冠喪服也軍敗則以喪禮故秦伯之敗於穀也春

秋傳曰伯素服郊次鄉師而哭玄謂厭伏冠也奉猶送也送主歸於廟與社其傷者則相王之禮庶子卿大夫之子從軍者或謂之庶士大役與慮事屬其植受其要以待攷

而賞誅大役築城邑也鄭司農云國有大役大司馬與謀慮其事也植謂部曲將校其功玄謂慮士者封人也於有役司馬與之植築城植也屬賦丈尺與其用人數大會同則帥士庶子而掌其政

令帥帥以從王若大射則合諸侯之六耦大射王將祭射于射宮以選賢也王射三侯以諸侯為六耦

大祭祀饗食羞牲魚授其祭牲魚魚牲也祭謂尸賓所以祭也鄭司農云大司馬主進魚牲大喪平

士大夫鄭司農云平一其服也玄謂平者正其職與其位喪祭奉詔馬牲王喪之以馬祭者蓋遺奠也奉由送也送之至墓而藏之

小司馬之職掌此下字脫滅禮爛又闕漢與求之不得遂無識其數者凡小祭祀會同饗射

師田喪紀掌其事如大司馬之灋

軍司馬闕

輿司馬闕

行司馬闕

司勳掌六鄉賞地之灋以等其功賞地賞田也在遠郊之內屬六鄉焉等猶差也以功大小為差王

功曰勳輔成王業若周公國功曰功保全國家若伊尹民功曰庸法施於民若后稷事功

曰勞以勞定國若禹治功曰力制法成治若各縣戰功曰多剋敵出奇若韓信陳平凡

有功者銘書於王之太常祭於大丞司勳詔之銘之三名也生則書于王旌以

識其人與其功也死則於丞先王祭之詔謂告其神以辭也般庚告其卿大夫曰兹子大享于先王尔祖其從與享之是也今漢祭功臣於廟庭大功司

勳藏其貳貳猶副也功書藏於天府又副於此者以其主賞掌賞地之政令政令謂役賦凡賞無

常輕重眡功无常者功之大小不可豫凡頒賞地參之一食鄭司農云不以美田為采邑玄

謂賞地之稅參分計稅王食其一也二全入於臣唯加田無國正加田既賞之又加賜以田所以厚恩也鄭司農云正謂稅也祿田亦有給公家之賦貢若今時候國有司

農少府餼穀矣獨加賞之田无正耳

馬質掌質馬馬量三物一曰戎馬二曰田馬三曰駑馬皆有

物賈此三馬買以給官府之使无種也鄭司農云網讀為以亢其也禁也禁去惡馬不畜也玄謂網以縲索維網狎習之凡受馬於有司者書其齒毛與其賈馬

死則旬之內更旬之外入馬耳以其物更其外否鄭司農云更謂償也玄謂旬之內

內死者償以齒毛與質受之日淺養之惡也旬之外死入馬耳償以毛色不以齒賈任之過其任也其外否者旬之外逾二十日而死不任用非用者罪馬

及行則以任齊其行識其所載輕重及道里齊其勞逸乃復用之若有馬訟則聽之訟謂賣買

之言相負禁原禁蠱者原再也天文辰為馬蚕書蚕為龍精月直大火則浴其種是蚕與馬同氣物莫能兩大禁再蚕者為傷馬與

量人掌建國之灋以分國為九州營國城郭營后宮量市朝道

巷門渠造都邑亦如之建立也立國有舊法式若匠人職云分國定天下之國分也后君也言君容王與諸侯營軍

之壘舍量其市朝州涂軍社之所里軍僻曰壘鄭司農云量其市朝州涂還市朝而為道也玄謂州一州之衆

二千五百人為師每師一處市也朝也州也邦國之地與天下之涂數皆書

皆有道以相之軍社社主在軍者里居也

而藏之書地謂方園山川之廣凡祭祀饗賓制其從獻脯燔之數

量鄭司農云從獻者肉殺從酒也立謂燔從於獻酒之肉炙也數多少也量長短也掌喪祭奠窆之俎實窆亦

有俎實謂所包遺奠士喪凡宰祭與饗人受於歷而皆飲之言宰祭者家宰

佐王祭亦容攝祭鄭司農云年讀如嫁娶之嫁年器名明堂位曰爵夏后氏以琖殷以斝周以爵立謂年讀如蝦尸之蝦宰家宰

小子掌祭祀羞羊肆羊殺肉豆鄭司農云羞進也羊肆解節即折也肉豆者切肉也立謂肆讀為

鬻羊鬻易者所謂豚解也而掌珥于社稷析于五祀故書祀作禋鄭司農云禋讀為祀書亦或為祀珥社稷以牲頭

祭也立謂珥讀為珥祈或為剗剗者豐祭之事也毛用牲曰剗剗牲曰剗剗剗社稷五祀謂始成其宮北時也春官肆師職析或作畿秋官士師職曰剗剗剗則奉犬牲

此剗剗正字與凡沈辜侯禳飾其牲鄭司農云沈謂祭川爾雅曰祭川曰浮沈辜謂者侯四時惡氣禳去之也豐邦器及軍器邦器謂禮樂之器及祭器之屬雜記曰凡宗廟之器其名者成則豐之以豸豚凡師

田斬牲以左右徇陳示犯誓必殺之祭祀禘羞受徹焉

羊人掌羊牲凡祭祀飾羔羔小羊也詩曰四之日其早獻羔祭韭祭祀割牲登其首

登升也升首報陽也升首于室凡析珥共其羊牲共猶給也賓客共其饗羊法羊殽饗積膳之羊

凡沈辜侯禳豐積共其羊牲積故書為耽鄭司農云耽讀為積謂豐積積積柴極祀猶燎

實若牧人無牲則受布于司馬使其賈買牲而共之布泉

司燿掌行火之政令四時變國火以救時疾行猶用也變猶易也鄭司農說以鄒子曰

春取榆柳之火夏取棗杏之火季夏取桑柘之火秋取柞櫟之火冬取槐檀之火季春出火民咸從之季秋內

火民亦如之火所以用陶冶民隨國而為之鄭人鑄刑書火星未出而後有災鄭司農云以三月本時昏心星見于辰上使民出火九月本

黃昏心星伏在戌上使民內火故春秋傳曰以出內火時則施火令焚萊報其為明之時凡祭祀則祭燿報其為明之功禮如

祭凡國失火野焚萊則有刑罰焉野焚萊民擅放火

掌固掌脩城郭溝池樹渠之固頒其士庶子及其眾庶之守

樹謂枳棘之屬有刺者也眾庶民遽守固者也設其飾器兵甲之屬今城郭門之器亦然分

其財用均其稍食財用國以財所給守吏之用也稍食祿廩任其萬民用其

材器

任謂以其任使之也民之材器其所用甄築及為藩落

凡守者受澹雲焉以通守政有移甲

與其役財用唯是得通與國有司帥之以贊其不足者凡守者士庶子及他要害

之守吏通守政者兵甲役財難易多少轉移相給也其他非是不得安離部署國有司掌固也其移之者又與掌固帥致之贊佐也晝三巡之夜

亦如之

巡行也行守者為衆庶之解情夜三鼓蚤以號戒

杜子春云讀鼓蚤為造次之造謂擊鼓行夜戒守也春秋傳所謂眉將

趣者與趣與造音相近故曰終夕與縹玄謂鼓蚤擊手鼓蚤守鼓也三巡之間又三擊蚤若造都邑則治其固與其守

灋

都邑亦為城郭

凡國都之竟有溝樹之固郊亦如之

竟界也

民皆有

職焉

職謂守與任

若有山川則因之

山川若穀

司險掌九州之圖以周知其山林川澤之阻而達其道路周猶徧也

達道路者山林之阻則開鑿之川澤之阻則橋梁之設國之五溝五涂而樹之林以為阻固皆

有守禁而達其道路五溝遂溝洫澮川也五涂徑路也國有故則藩塞阻

路而止行者以其屬守之唯有節者達之有故喪災及兵也閉絕要害之道備斷寇也

掌疆闕

候人各掌其方之道治與其禁令以設候人道治治道也國語曰候不在竟譏不居其方也

禁令備其寇也以設候人者選士卒以為之詩云彼候人兮何戈與楯若有方治則帥而致于朝及歸送

之于竟方治其方來治國事者也春秋傳曰晉欒盈過周王使候人出諸轅轅是其送之

環人掌致師致師者致其必戰之志古者將戰先使勇力之士佗敵焉春秋傳曰吾聞致師者御靡旌塵壘

攝叔曰吾聞致師者右入壘折馘執俘而還皆行其所聞而復之察軍慝慝陰

為國訟敵國敵國兵來則往之與訟曲直若齊國佐如師揚軍旅為之威武以觀敵詩云惟師尚父時惟鷹馬揚降

圍邑圍邑欲降者受而降之春秋傳曰齊人降鄆

挈壺氏掌挈壺以令軍井挈轡以令舍挈畚以令糧鄭司農云

挈壺以令軍井謂為軍穿井井成挈壺縣其上令軍中士眾皆望見知此下有井壺所以盛飲故以壺表井挈轡以令舍亦縣轡于所當舍止之處使軍望見知當

舍止于此響所以駕舍故以響表舍擊畜以令糧亦懸畜于所當面假之處今軍望見知當面假于此下也奮所以盛糧之器故以表而軍中人多車騎雜會謹謹號今不能相聞故各以其物為表省煩趨疾于事便也 凡軍事懸壺以序聚標凡喪懸壺以代哭

者皆以水火守之分以日夜鄭司農云縣壺以為漏以序聚標以次更聚擊標備守也玄謂擊標兩水相敵行夜

時也代亦更也札未大斂代哭以水守壺者為沃漏也以火守壺者夜則視刻數也分以日夜者異晝夜漏也漏之箭晝夜共百刻冬夏之間有長短焉大史立成法有

四十及冬則以火擊焚鼎水而沸之而沃之鄭司農云冬水凍漏不下故以火炊水沸以沃之謂沃漏也

射人掌國之三公孤卿大夫之位三公北面孤東面卿大夫西

面其執三公執璧孤執皮帛卿執羔大夫鴈位將射始入見君之位不言士者此與諸侯之

賓射士不與也燕禮曰公升即位于席西卿小臣納卿大夫卿大夫皆入門右者北面東上士立於西方東面北上大射亦云則凡朝燕及射臣見于君之禮同言

侯在朝則皆北面詔相其灋謂諸侯來朝而未歸王與之射於朝者皆北面從三公位法其禮儀若有

國事則掌其戒令詔相其事謂王有祭祀之事諸侯當助其薦獻者也戒令告以齊與期掌其

治達謂諸侯因與王射及助祭而有所治受而達之於王王有命又受而下之以射灋治射儀王以六耦

射三侯三獲三容樂以騶虞九節五正諸侯以四耦射二侯二

獲二容樂以狸首七節三正孤卿大夫以三耦射一侯一獲一

容樂以采蘋五節二正士以三耦射一侯一容樂以采

蘋五節二正射法王射之札治射儀謂肆之也鄭司農云三侯虎能豹也容者終日射侯不出正兮二侯能豹也射侯射者獸名也獸有騶虞九女謂三侯者五

正三正二正之侯也二侯者三正二正之侯也一侯者二正而已此皆與賓射於朝之札也考工梓人職曰張五采之侯則遠國屬遠國謂諸侯來朝者也五采之侯即

五正之侯也正之言正也射者內志正則能中焉畫五正之侯中朱次白次蒼次黃玄居外三王損玄黃二正去白蒼而畫以朱綠其外之廣皆居侯中參分之一中

二尺今儒家云四尺曰正二尺曰鵠鵠乃用皮其大如正此說失之矣大射射禮射作干讀如巨射宜獄之射射胡大也士與士射則以射皮飾侯下大夫也大夫以上與

賓射飾侯以雲氣用采各如其正九節七節五節者奏樂以為射節之差言節者容侯道之數也樂記曰明乎其節之志不失其事則功成而德行立若王大射則以狸步張三侯鄭司農云

舉足為一步於今為半步玄謂狸善搏者也行則止而擬度焉其發必獲是以量侯道法之也侯道者各以弓為度九節者九十弓七節者七十弓五節者五十弓弓之

下制長六尺大射禮曰大侯九十參七十千五十是也三侯者司裘所共虎侯能侯豹侯也列國之君大射亦張三侯數與天子同大侯能侯也參讀為慘慘雜也雜者

豹鷁而麋飾下天子大夫王射則令去侯立于後以矢行告卒令取矢鄭司農云射人主令

人去侯所而立于後也以矢行告射人由以矢行高下左右告于王也大射禮曰大射正立于公後以矢行告于公下曰留上曰揚左右曰方杜子春說以矢行告告白

射事于王王則執矢也杜子春說不与札經合疑非是也卒令取矢謂射卒射人今當取矢者使取矢也立謂令去侯者命負侯者去侯也鄉射曰司馬命獲者執旌以負侯

祭侯則為位祭侯賦服不服不以祭侯為位為服不受獻之與大史數射

中射中數射者中侯之筭也大射曰司射適階西釋弓去扑襲進由中東立于中南北面視筭佐司馬治射正射正射之法儀

也祭祀則贊射牲相孤卿大夫之灋儀燕嘗之禮有射者國語曰備郊之事天子必自射

其牲今立秋有驅劉云會同朝覲作大夫介凡有爵者作讀如作止爵之作諸侯來至王使公卿有事

焉則作大夫使之介也有爵者命士以上不使賤者車之副有大

賓客則作卿大夫從作者選使從王見諸侯戒大史及大夫介戒戒其當行者

篋服加命書于其上升自西階東面大史氏右大喪與僕人遷尸作卿大夫掌事比其廬不

敬者苛罰之僕人大僕也僕人与射人俱掌王之朝位也王崩小斂大斂迂尸于室堂朝之象也檀弓曰扶君卜人師扶右射人扶左君薨以是

舉苛謂詰問之

服不氏掌養猛獸而教擾之猛獸虎豹能罷之屬擾馴也教習使之馴服王者之教无不服凡祭祀

共猛獸謂中膳羞者獸人冬獻狼春秋傳曰能蹠不孰賓客之事則抗皮鄭司農云謂賓客來朝聘布皮帛者服不

氏主舉藏之抗讀為亢其讎之亢立謂抗者若聘禮曰有司二人舉皮以東射則贊張侯以旌居之而待獲

贊佐也大射禮曰命量人巾車張三侯杜子春云待當為持書亦或為持之讀為贗乏之乏持獲者所蔽立謂待獲待射者中舉旌以獲

射鳥氏掌射鳥鳥謂中膳羞者鳥氏謂中膳羞者祭祀以弓矢毆鳥凡賓客

會同軍旅亦如之鳥氏善鈔射則取矢矢在侯高則以并夾

取之鄭司農云主射則射鳥氏主取其矢矢在侯高者矢著侯高人手不能及則以并夾取之并夾鉞箭具夾讀為甲故司弓矢職曰大射燕射共

弓矢并夾羅氏掌羅鳥鳥鳥謂卑居蜡則作羅襦作猶用也鄭司農云蜡謂十二

大蜡謂歲十二月合聚万物而索饗食之糯細密之羅襦讀為縹有衣袂之縹立謂蜡建亥之月此時火伏蟄者畢矣豺既祭獸可以羅網圍取禽也三制曰豺祭獸

然後田又曰昆蟲已蟄可以火田今俗放火張羅其遺教中春羅春鳥獻鳩以養國老行羽物春

蟄而始出者若今南郡黃雀之屬蜀是時雍鳥化為鳩鳩與春鳥變舊為新宜以養老助生氣行謂賦賜

周禮卷第七

掌畜掌養鳥而阜蕃教擾之阜猶盛也蕃蕃息也鳥之可養祭

祀共郊鳥其郊可薦之鳥歲時貢鳥物以四時來共膳獻鳥雉及鶉

周禮卷第八

夏官司馬下

鄭氏注

司士掌羣臣之版以治其政令歲登下其損益之數辨其年歲與其貴賤周知邦國都家縣鄙之數卿大夫士庶子之數損益

謂用功過黜陟者縣鄙鄉遂之屬故書版為班鄭司農云班書或為版版名籍以詔王治告王所當進退以德詔爵以

功詔祿以能詔事以久奠食德謂賢者食稍食也賢者既爵乃祿之能者事成乃食之王制曰司馬辨論官

材論進士之賢者以告於王而定其論論定然後後官之任官然後爵之位定然後祿之唯賜無常賜多少由王不正

朝儀之位辨其貴賤之等王南鄉三公北面東上孤東面北上卿大夫西面北上王族故士虎士在路門之右南面東上太

僕太右大僕從者在路門之左南面西上此王日視朝事於路門外之位王族故士故為士晚

退留宿衛者未嘗仕雖同族不得在王宮大司士擯詔王出揖公卿大夫以下朝者孤卿

特揖大夫以其等旅揖士旁三揖王還揖門左揖門右持揖一

旅衆也大夫爵同者衆揖之公及孤卿大夫始入門右皆北面東上王揖之乃就位羣士及故士大僕之屬發在其位羣士位東面王西南鄉而揖之三揖者士

有上中下王揖之皆遂遁既復位鄭司農云卿大夫士皆君之所揖禮春秋傳所謂三揖在下大僕前前正王視王入

內朝皆退王入路門也王入路門內朝朝者退反其官府治處也王之

而視之退適路寢聽政使人視大夫大夫退然後適小寢謂諸侯也王日視朝及弁服其禮則同掌國中之士治凡其戒

令國中掌擯士者膳其執擯士告見初為士者於王也鄭司農云膳其執者王食其所執羔鴈之執玄謂膳者

入於王凡祭祀掌士之戒令詔相其瘞事及賜爵呼昭穆而

進之賜爵神惠及下也此所賜王之子姓兄弟祭統曰凡賜爵昭為一穆為一昭與昭齒穆與穆齒凡羣有司皆以齒此之謂長幼有序

帥其屬而割牲羞俎豆割牲制體也羞進也凡會同作士從賓客亦如之

作士從謂可作士適四方使為介士使謂自以王命使也介大夫之介使從於王者

大喪作士掌事事謂奠斂之屬作六軍之士執披作謂使之也披柩車行所以披持棺者有紐以

結之謂之戴鄭司農云披者持持棺險者也天子旁十二諸侯旁八大夫六士四
玄謂結披必當棺束於束繫紼天子諸侯載柩三束大夫士二束喪大記曰右纒
披六大夫披四前纒後玄士二披用纒人君凡士之有守者令哭無去
札文欲其數多圍數兩旁言六耳其實旁三

守守官不可空也國有故則致士而頒其守故非喪則兵災凡邦國三歲則誓

士任而進退其爵祿任其所掌治

諸子掌國子之倅掌其戒令與其教治辨其等正其位故書倅為

卒鄭司農云卒讀如物有副倅之倅國子謂諸侯御大夫士之子也益義曰古者周天子之官有庶子官與周官諸子職同文玄謂四民之業而士者亦世焉國子者是公卿大夫士之副貳戒令致於天子之事教治脩德學道也位朝位國有大事則帥國子而致於大

子唯所用之若有兵甲之事則授之車甲合其卒伍置其有

司以軍灋治之司馬弗正軍法百人為卒五人為伍弗不也國子屬大子司馬雖有軍事不賦之凡國

正弗及大祭祀正六牲之體正謂杜載之凡樂事正舞位授舞器位

處大喪正羣子之服位會同賓客作羣子從於王凡國之政事

國子存遊倅使之脩德學道春合諸學射以攷其藝秋合諸射以攷其藝

而進退之遊倅倅之未仕者學大學也射射官也王制曰春秋教以禮樂冬夏教以詩書王大子王子羣子后之大子卿大夫元士之適

子國之俊選比皆造焉

司右掌羣右之政令羣右戎右齊右道右凡軍旅會同合其車之卒伍

而比其乘屬其右合比屬謂次第相安習也車亦有卒伍凡國之勇力之士能用

五兵者屬焉掌其政令勇力之上屬焉者選右當於中司馬法曰弓矢圍六又矛守戈戟助凡五兵長以衛短短以救長

虎賁氏掌先後王而趨以卒伍王出將虎賁士居前軍旅會同

亦如之舍則守王閑舍王出所止宿如閑柅柅王在國則守王宮為周國

有大故則守王門大喪亦如之非常之難要在門及葬從遣車而哭遣

王之魂魄所馮依適四方使則從士大夫虎士從若道路不通有徵事

則奉書以使於四方不通逢兵寇若泥水奉書徵師役也春秋隱七年冬戎伐凡伯于楚丘以歸

旅賁氏掌執戈盾夾王車而趨左八人右八人車止則持輪王

車者其下士也下士十有六人中士為之帥焉凡祭祀會同賓客則服而趨趨服而趨夾王車

而趨介被甲

節服氏掌祭祀朝覲衮冕六人維王之常服衮冕者從王服也維維之以縷王

旌十二旒兩兩以縷綴連旁三人侍諸侯則四人其服亦如之郊祀

裘冕二人執戈送逆尸從車裘冕者亦從尸服也裘大裘也凡尸服卒者之上服從車從尸車送逆之往來

春秋傳曰晉祀夏郊董伯為尸

方相氏掌蒙熊皮黃金四目玄衣朱裳執戈揚盾帥百隸

而時難以索室毆疫蒙冒也冒能皮者以驚毆疫癘之鬼如今魁頭也時難四時作方相氏以難卻凶惡也月令季冬命

大喪先匱葬使及墓入壙以戈擊四隅方良壙

地中也方良同兩也天子之樽柏黃腸為東而表以石焉國語曰木土之怪莫同兩

大僕掌正王之服位出入王之命服王奉動所當衣也位立

掌諸侯之復逆鄭司農云復謂奏事也逆謂受下奏王砥朝則前正位

而退入亦如之前正位而退道王王既立退居路門左待朝畢建路鼓于大寢之門外

而掌其政大寢路寢也其門外則內朝之中如以待達窮者與遽

令聞鼓聲則速逆御僕與御庶子鄭司農云窮謂窮究失職則來擊此鼓以達於王若今時上變

事擊鼓矣遽傳也若今時驛馬軍書當當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂達窮

者謂司寇之屬朝士掌以肺石達窮民聽其辭以告於王遽令驛驛上下程品御僕御庶子直事鼓所者大僕聞鼓聲則速逆此二官當受其事以

聞祭祀賓客喪紀正王之服位詔灋儀贊王牲事詔告也牲事殺割也

王出入則自左馭而前驅區前驅如今道引也道而居左自馭不參乘辟王也亦有車右焉凡

軍旅田役贊王鼓王通鼓佐擊其餘面救日月亦如之日月食時春秋傳曰非日月之眚不鼓

大喪始崩戒鼓傳達于四方窆亦如之

戒鼓擊于鼓以警眾也故書成為駭鄭司農云窆謂

葬下棺也春秋傳所謂日中而崩禮記謂之封皆葬下棺也音相似窆讀如慶封祀之祀

縣喪首服之灋于宮門 首服之法謂免

髮算約廣狹長短之數

掌三公孤卿之弔勞 王使

王燕飲則相其灋 相左

王射則贊弓矢

贊謂授

王眡燕朝則正位掌擯相

燕朝朝於路寢之庭王圖宗人之嘉事則

燕王不抵朝則辭於三公及孤卿

辭謂以王不視朝之意告之春秋傳曰公有疾不視朝

王圖宗人之嘉事則

小臣掌王之小命詔相王之小灋儀

小命時事所勅問也小灋儀趨行拱揖之容

小掌

三公及孤卿之復逆正王之燕服位

謂燕居時也王藻曰王之

王

燕出入則前

驅燕出入若今

大祭祀朝覲沃盥小祭祀賓客饗

食賔射掌事如大僕之灋

賓射與諸侯 掌士大夫之弔勞几

大事佐大僕

祭僕掌受命于王以眡祭祀而敬言戒祭祀有司糾百官之戒

具 謂王有故不親祭也祭祀有司有事 既祭帥羣有司而反命以

王命勞之誅其不敬者大喪復于小廟 小廟高祖以下也始祖曰

大廟 凡祭祀王之所不與則賜之禽都家亦如之 鄭司農云王之

受之 凡祭祀致福者展而 廟尊祭祀則王不與也則賜之禽公卿自祭其先

祖則賜之禽也玄謂王所不與同姓有先王之廟 凡祭祀致福者展而

受之 臣有祭事必致祭肉於君所謂歸胙也展謂錄視其牲體數體數者

大牢則以牛左肩解膈折九个少牢則以羊左肩七个牲則以豕

御僕掌羣吏之逆及庶民之復與其弔勞 羣吏府 大祭祀相

盥而登 相盥者謂奉槃受巾与登謂為王登牲體於 大喪持翬 翬指

隸僕掌五寢之掃除糞洒之事 五寢五廟之寢也周天子七廟唯

前曰廟後曰寢泥埽曰埽埽席前曰拊洒灑也鄭司農 祭祀脩寢 於廟

或有事焉月令九
新物先薦寢廟 **王行洗乘石** 鄭司農云乘石王所登上車之石也詩云

掌蹕宮中之事 宮中有事則蹕鄭司農云蹕謂止行者清道若今時傷蹕 **大喪復于小寢大**

寢 小寢高祖以下廟之寢也始祖曰大寢

弁師掌王之五冕皆玄冕朱裏延紐 冕服有六而言五冕者大裘之冕蓋无旒不聯數也延冕之覆

在上是以名焉紐小鼻在武上弁所貫也今時冠卷當替者廣衣以冠縱其舊象與 **五采繅十有二就皆五采**

玉十有二旂則十一玉也 每就間蓋二寸朱紘以采組為紘也紘一條屬兩端於武繅不言皆有不皆者此為衮衣之冕十二旂則用玉二百八十八轂焉衣之冕繅九旂用玉二百一十六毛毳衣之冕七旂用玉百六十八希衣之 **諸侯之繅旂九就璿玉**

五旂用玉百二十玄衣之冕三旂用玉七十二 **三采其餘如王之事繅旂皆就玉璫玉笄** 侯當為公字之誤也三采朱白蒼也其餘謂延

紐皆玄覆朱裏與王同也出此則異繅旂皆就皆三采也每繅九成則九旒也公之冕用玉百六十二玉璫塞耳者故書璿作璫鄭司農云繅當為藻繅古

字也藻今字也同物同音璫惡玉名 **王之皮弁會五采玉璫象邸玉笄** 故書會作膾鄭司農云讀

如馬會之會謂以五采束髮也士喪禮曰檜用組乃笄檜讀與膾同書之異耳說曰以組束髮乃著笄謂之檜沛國入謂反紒為膾璫讀如其車輶之其紒玄謂會讀如大會之會會縫中也璫讀如薄借其紒之其紒紒結也皮弁之縫中每貫結五采 **王之**

王十二以為飾謂之其紒詩云會弁如星又曰其弁伊其紒是也邸下抵也以象骨為之 **弁經弁而加環經** 弁經王所服也其弁如爵弁而素所謂素冠也而加環經環經者大如總之麻經纏而不糾司服職曰凡弔事弁經服諸

侯及孤卿大夫之冕韋弁皮弁弁經各以其等為之 韋其禁

令 各以其等繅旂玉璫如其命數也冕則侯伯繅七就用玉九十八子男繅五就用玉五十繅五皆三采孤繅四就用玉三十二三命之卿繅三就用

玉十八再命之大夫藻再就再用玉八藻玉皆朱綠韋弁皮弁則侯伯璫飾七子男璫飾五玉亦三采孤則璫飾四三命之卿璫飾三再命之大夫璫飾二

玉亦二采弁經之弁其辟積如冕繅之就然庶人弔者素委貌一命之大夫冕而元旒士變冕為爵弁其韋弁皮弁之會无結飾弁經之弁不辟積禁者不

得相僭踰也王藻曰君未有命不敢即乘服不言冠弁冠弁兼於弁韋弁皮弁矣不言服弁服弁自天子以下无飾无等

司甲 闕

司兵掌五兵五盾各辨其物與其等以待軍事 五盾于櫓之屬其名未盡聞也等謂

功沾上下鄭司農云五兵者戈及戟酋矛夷矛 **及授兵從司馬之灋以頒之及其受兵輸**

亦如之及其用兵亦如之

從司馬之法令師旅卒兩人數所用多少也兵輪謂師還有所還兵也用兵謂出給衛守祭

祀授舞者兵

授以朱干玉戚之屬

大喪廬五兵

故書為廬為淫鄭司農云淫陳也淫讀為廬玄謂廬豈與作明器之役器

五兵也士喪禮下

軍事建車之五兵會同亦如之

車之五兵鄭司農

篇有甲冑干箠

司戈盾掌戈盾之物而頒之

受用祭祀授旅賁又故士戈盾授

舞者兵亦如之

亦頒之也故士王族故士也與旅賁

軍旅會同授貳車

戈盾建乘車之戈盾授旅賁及虎士戈盾

乘車王所乘車也軍旅則革路會同則金路

及舍設藩盾行則斂之

舍止也藩盾盾可以藩衛者如今之扶蘇與

司弓矢掌六弓四弩八矢之灋辨其名物而掌其守藏與其

出入

法曲直長短之數

中春獻弓弩中秋獻矢箛

弓弩成於和矢箛成於堅箛盛矢器也以獸皮

為及其頒之王弓弧弓以授射甲革楛質者夾弓庾弓以授

射豳侯鳥獸者唐弓大弓以授學射者使者勞者

王弧夾庾唐大六者弓異

體之名也往體實來體多曰王弧往體多來體寡曰來庾往體來體若一曰唐大甲革革甲也春秋傳曰躡甲而射之質正也樹楛以為射正射甲與楛試弓

習武也射侯五十步及射鳥獸皆近射也近射用弱弓則射大侯者用王弧射參侯者用唐大矣李射者弓用中後習強弱則易也使者勞者弓亦用中遠近可也

勞者勤勞王事若晉文侯文公受王弓矢之賜者故書楛為艱鄭司農云楛字或為艱非是也圍師職曰射則充楛質又此司弓矢職曰澤其射楛質之弓矢言射楛質自有弓謂王弧弓也

其矢箛皆從其弓

從弓數也每弓者一箛百矢

凡弩夾

庾利攻守唐大利車戰野戰

攻城壘者與其自守者相迫近弱弩發疾也車戰野戰進退非強則不及弩无王弧

凡矢枉矢勑矢利火射用諸守城車戰殺矢鏃

矢用諸近射田獵矰矢弗矢用諸弋射恒矢庾矢用諸散射

矢者弓弩各有四焉枉矢殺矢矰矢恒矢弓所用也勑矢鏃矢弗矢庾矢弩所用也枉矢者取名變星飛行有光今之飛矛是也或謂之兵矢勑矢象豕焉二者皆言可結火以射敵守城車戰前於重後微輕行疾也殺矢言中則死鏃矢象焉鏃之言

候也二者皆言可以司射射敵之近者及禽獸前尤重中深而不可遠也結繳於矢謂之矰矰高也弗矢象焉弗之言刺也二者皆可以弋飛鳥荆羅之也前於重又微輕行不低也詩云弋鳥與鴈恒矢安居之矢也庾矢象焉二者皆可以散射也謂禮

射及習射也前後訂其行平也凡矢之制枉矢之屬五分二在前三在後殺矢之屬三分一在前二在後矰矢之屬七分二在前四在後桓矢之屬軒朝中所謂志也鄭司農云痺矢讀為人罷能短之罷玄謂痺讀如痺病之痺痺之言倫比天子之弓合九而成規諸侯合七而

成規大夫合五而成規士合三而成規甸者謂之斝弓體往來之衰也

往體寡來體多則合多往體多來體寡則合少而圓弊猶惡也甸者惡則直者善矣凡祭祀共射牲之弓矢射牲示親

殺也殺牲非尊者所親唯射為可國語曰禘郊之事天子必自射其牲澤共射楛質之弓矢鄭司農云澤澤選士之也也射義曰天子將祭必先習射於澤澤者所擇也大射燕射共弓矢

如數井夾如數如當射者之數也每大喪共明弓矢弓矢明器之用器也士喪

凡師役會同頒弓弩各以其物從授兵甲之儀物

田弋充籠箠共矰矢籠竹箠也矰矢不在箠者為其相繞亂將用乃共之凡

亡矢者弗用則更更償也用而棄之則不償

繕人掌圭之用弓弩矢箠矰弋挾拾鄭司農云挾者所以縱弦也拾者所以引弦也詩云

挾拾既次詩家說或謂挾謂引弦彊也拾謂講杆也弦謂挾挾矢時所以持弦飾也者右手巨指士喪禮曰挾用主棘若擇棘則天子用象骨与講杆著

左臂裏以韋為之掌詔王射告王當射之節替王弓矢之事授之凡乘車充其

籠箠載其弓弩充籠箠者以矢既射則斝之斝藏之也詩云彤弓昭兮受言藏之無會

計亡敗多少不計

橐人掌受財于職金以齎其工文鳳其工者給市財用之直弓六物為三等

弩四物亦如之三等者上中下人各有所宜弓人職曰弓長六尺六寸謂之上制上士服之弓長六尺三寸謂之中制中士服

之弩及矢箠長短之制未聞矢八物皆三等箠亦如之春獻素秋

獻成矢箠春書其等以饗食工鄭司農云書工功拙高下之等以制其饗食也玄謂饗酒有勞之也上工

作上等其饗食厚下工作下等其饗食薄乘其事試其弓弩以下上其食而誅賞

鄭司農云乘計也計其事之成功也故書試為考玄謂考之而善則上其食尤善又賞之否者反此乃入功于司弓矢

及繕人成功凡齎財與其出入比在橐人以待會而致之亡

者闕之皆在彙人者所資工之財及弓弩矢箠出入其簿書彙人藏之闕猶除也弓弩矢箠棄止者除之計今見存者

戎右掌戎車之兵革使使謂王使以兵有所誅斬也春秋傳曰戰於穀晉使謂王使以兵有所誅斬也春秋傳曰戰於穀晉

駟以戈駟以戈詔贊王鼓既告王當鼓之節又助擊之傳王命于陳中為王大言之也會同充

革車會同王雖乘金路猶以革路從行也充之者謂居左也曲禮曰乘君之乘車不敢曠左盟則以玉敦辟盟

遂役之鄭司農云敦器名也辟法也玄謂將敵血者先執其器為衆陳其載辭使心皆開辟也役之者傳敵血授當敵者贊牛耳

桃刻鄭司農云贊牛耳春秋傳所謂執牛耳者故書外為滅杜子春云威當為厲者盛以珠盤尸盟者執之桃鬼所畏也刻若帛所以婦不祥

齊右掌祭祀會同賓客前齊車王乘則持馬行則陪乘齊車金路

牲事則前馬王見牲則拱而式居馬前卻行備敬奔也曲禮曰國君下宗廟式齊牛凡有

道右掌前道車王出入則持馬陪乘如齊車之儀道車象路也王行道

自車上諭命于從車自詔王之車儀王式則下前

馬王下則以蓋從以蓋從表尊

大馭掌馭玉路以祀及祀馭王自左馭馭下祝登受纜祀馭遂

驅之行山曰馭犯之者封土為山象以誓口蜀棘柏為神主既祭之以車轡之而去喻无險難也春秋傳曰跋涉山川自由也王由左馭禁制馬使不行也故書馭作罰杜子春云罰當為馭馭讀為別異之別謂祖道轡馭大也詩云載馭載推取蕭祭脂取瓶以馭詩家說曰將出祖道犯馭之祭

及祭酌僕僕左執纜右祭兩軹祭軹乃飲

凡馭路行以肆夏趨以采薺凡馭路謂五路也肆夏采齊樂章也行謂入寢至路門趨

戎僕掌馭戎車戎車革路也師出王乘以自將掌王倅車之政正其服倅副

犯馭如玉路之儀凡巡守及兵車之會亦如之謂眾乘戎車者之衣服

者之衣服

者之衣服

者之衣服

者之衣服

車掌凡戎車之儀凡戎車衆之兵車也書序曰武王戎車三百兩

齊僕掌馭金路以賓以待賓客朝覲宗遇饗食皆乘金路其灋

儀各以其等為車送之節節謂王乘車迎賓客及送相夫遠近之數上公九十步侯伯七十步子男五十步司儀職曰車逆拜辱又曰及出車送

道僕掌馭象路以朝夕燕出入其灋儀如齊車朝夕朝莫夕掌貳

車之政令貳亦副

田僕掌馭田路以田以鄙田路木路也田田鄙也鄙循行縣鄙掌佐車之政佐亦副

設驅逆之車驅驅禽使前趨獲逆荷還之使不出圍今獲者植旌以告獲也植樹也及獻

比禽田弊獲者各獻其禽比種物相從次數之凡田王提馬而走諸侯晉大夫馳提舉也晉猶抑也使人扣而舉之抑之皆止奔也馳放不扣

馭夫掌馭貳車從車使車貳車象路之副也從車戎路田路之副也使車馭逆之車分公馬

而駕治之乘調六種之馬

校人掌王馬之政政謂差擇養乘之數也月令曰班馬政辨六馬之屬種馬一

物戎馬一物齊馬一物道馬一物田馬一物駑馬一物種謂上善

乘之乘馬一師四圉三乘為阜阜一趣馬三阜為繫繫一

馭夫六繫為殿殿一僕夫六殿成校校有左右駑馬三良馬

之數麗馬一圉八麗一師八師一趣馬八趣馬一馭夫良善也善馬五

路之馬鄭司農云四匹為乘養馬為圉故春秋傳曰馬有圉牛有牧玄謂二耦為乘師趣馬馭夫僕夫帥之名也趣馬下士御夫中士則僕夫上士也自乘至殿其數二百一十六匹易乾為馬此應乾之策也至校變為言成者明六馬名一殿而王馬小備也校有左右則良馬一種者四百三十二匹五種合二千一百六十四匹駑馬三之則為千二百九十六匹五良一駑凡二千四百五十六匹然後王馬大備詩云駢牡三千此謂王馬之大數與麗耦也駑馬自圉至馭夫凡馬千二十四匹與三良馬之數不相應八皆宜為六字之誤也師十二匹趣馬七十二匹則馭夫四百三十二匹矣然後而三之既三之无僕夫者不

駕於五路也天子十有二閑馬六種邦國六閑馬四種家四閑馬

二種降殺之羞每廐為一閑諸侯有齊馬道馬田馬凡馬特居四之一欲其

性相似也物同氣則心一鄭春祭馬祖執駒馬祖天駟也孝經說曰房為龍

司農云四之一者三北一牡春祭馬祖執駒也夏祭先牧頒馬攻特先牧始養

春通淫之時駒弱血氣未定為其乘匹傷之未聞夏通淫之後攻其特為其蹄齒

不可乘用鄭司農云攻特謂驟之秋祭馬社臧僕馬社始乘馬者世本

司農云臧僕謂簡練馭者令皆善也玄謂僕馭五路之僕冬祭馬步獻馬講馭夫馬步神為災室馬者

馭夫馭二車從車使車者講猶簡習凡大祭祀朝覲會同毛馬而頒之毛馬齊其色也

飾幣馬執扑而從之鄭司農云校人主飾之也幣馬以馬遺人當幣馭者

馬纓三就入門北面交轡圍人凡賓客受其幣馬賓客之幣馬來大喪

飾遣車之馬及葬埋之言埋之則是馬田獵則帥驅逆之車帥猶

凡將事于四海山川則飾黃駒四海猶四方也王巡守過大山山川則有

金勺前凡國之使者共其幣馬使者所用私餽凡軍事物馬而頒之物

齊其力等馭夫之祿馭夫天於馭馬僕夫宮中之稍食帥府史以下也鄭

趣馬掌贊正良馬而齊其飲食簡其六節贊佐也佐王者謂校人

也節猶量也差擇王馬以為六等掌駕說之頒用馬之次第辨四時之居治以聽馭夫居

牧序所治謂執駒攻特之屬

巫馬掌養疾馬而乘治之相醫而藥攻馬疾受財于校人乘謂

以發其疾知所疾如乃治之相助也馬死則使其賈粥之入其布于校人布泉也鄭司

屬官小吏五員二人粥賈也

牧師掌牧地皆有厲禁而頒之頒馬授園孟春焚牧焚牧地

陳生新中春通淫中春陰陽交萬物生之時可以合馬之牝牡也月令季

後掌其政令凡田事贊焚菜焚菜者山

動澤之虞

度人堂十有二閑之政教以阜馬佚特教馳攻駒及祭馬祖祭

閑之先牧及執駒散馬耳圍馬九者皆有政教焉阜盛壯也詩云四牡孔阜杜子春云佚當為逸鄭司農云馬

三歲曰駝二歲曰駒散讀為中散大夫之散謂駝馬耳母令善駝也玄謂逸者用之不使甚勞安其血氣也教駝始乘習之也攻駒騾其蹄切齒者閑之先牧先牧制

開者散馬耳以竹括押其耳頭動正校人負選校人謂師圍也正負選馬八

尺以上為龍七尺以上為駮六尺以上為馬大小異各爾雅曰駮北驪杜玄駒裏駮

司農說以月令曰駕駮能

圉師掌教圉人養馬春除葶豐殿始牧夏序馬冬獻馬射

則充椹質茨牆則剪鬮歲時也馬既出而除之新豐為神之也春秋傳曰凡馬日中而出日中而入故字牙為牙

司農云當田為序玄謂牙廡也廡所以庇馬涼也充椹居也茨蓋也鬮苦也椹質剪鬮圍人所習也杜子春讀椹為齊人言鉄椹之椹椹質所射者習射也圉人

掌養馬芻牧之事以役圉師役音圍師凡賓客喪紀牽馬而

入陳賓客之馬王所以賜之者詩云雖元予路車乘馬喪紀之馬皆後所薦馬廐馬亦如之廐馬遺車之馬人捧

之亦牽而入陳

職方氏掌天下之圖以掌天下之地辨其邦國都鄙四夷

八蠻七閩九貉五戎六狄之人民與其財用九穀六畜之數

要周知其利害天下之圖如今司空輿地圖也鄭司農云東方曰夷南方曰蠻西方曰戎北方曰貉狄玄謂開亦蠻之別也國語曰閩蠻亦夷矣四

八七九五六周之所服國數也財用泉穀貨賄也利金錫竹箭之屬乃辨九州

之國使同貫利也貫事東南曰揚州其山鎮曰會稽其澤藪曰

具區其川三江其浸五湖其利金錫竹箭其民二男五女其畜田

宜鳥獸其穀宜稻鎮名山安地德者也會稽在山陰大澤曰藪具區五湖在吳南浸可以為陂漑漁者錫獵也箭前條也鳥獸孔雀鸕鶿雁

象之屬故書魯刑為晉杜子春曰晉當為箭前書亦或為箭正南曰荊州其山鎮曰衡山其澤藪曰

雲夢其川江漢其浸潁澨其利丹銀齒革其民一男二女其畜

宜鳥獸其穀宜稻衡山在湘南雲夢在華容潁出陽城宜屬豫州在此非也澨未聞盛象處也革犀兕也杜子春云澨讀當為人名澨之

宜鳥獸其穀宜稻衡山在湘南雲夢在華容潁出陽城宜屬豫州在此非也澨未聞盛象處也革犀兕也杜子春云澨讀當為人名澨之

湛湛或為淮 河南曰豫州其山鎮曰華山其澤數曰圃田其川熒雒

其浸波澨其利林漆絲枲其民二男三女其畜宜且六擾其穀宜

五種華山在華陰圃田在中牟榮死水也出東垣入于河洸為榮榮在榮陽波讀為播禹貢曰榮播既都春秋傳曰楚子除道梁澨營軍臨隨則澨且屬荊州在此

正東曰青州其山鎮曰沂山其澤數曰望

諸其川淮泗其浸沂沐其利蒲魚其民二男二女其畜宜雞狗

其穀宜稻麥沂山沂水所出也在蓋望諸明都也在睢陽沐出東莞二男二女數幸似誤也蓋與兖州同二男三女鄭司農云淮或為睢沐或

為河東曰兖州其山鎮曰岱山其澤數曰大野其川河沛其浸

盧維其利蒲魚其民二男三女其畜宜六擾其穀宜四種岱山在博

正西曰雍州其山鎮曰

嶽山其澤數曰弦蒲其川涇汭其浸渭洛其利玉石其民

三男二女其畜宜牛馬其穀宜黍稷嶽吳嶽也及弦蒲在涇涇出涇陽汭在鹵地詩大推公劉曰汭

東北曰幽州其山鎮曰醫無閭其澤數

曰獫狁其川河沛其浸菑時其利魚鹽其民一男二女其畜

宜四擾其穀宜三種醫無閭在遼東獫狁在長廣出萊蕪時出般陽四擾馬牛羊豕三種黍稷稻杜二春讀狁為突河

內曰冀州其山鎮曰霍山其澤數曰楊紆其川漳其浸汾潞

其利松柏其民五男三女其畜宜牛羊其穀宜黍稷霍山在楊紆所在未聞

正北曰并州其山鎮曰恒山其澤數曰昭餘祁其

川虜池嘔夷其浸涑易其利布帛其民二男三女其畜宜五

擾其穀宜五種恒山在上曲陽昭餘祁在鄆虜池出鹵城嘔夷祁夷與出平舒涑出長子汾出汾陽路出歸德

乃辨九服

之邦國方千里曰王畿其外方五百里曰侯服又其外方五百

里曰甸服又其外方五百里曰男服又其外方五百里曰采服

坂之即洛出懷德鄭司農云弦或為汧蒲或為浦

大野在鉅野盧維當為雷雍字之誤也禹貢曰雷夏既澤雍沮會同雷夏在城陽四種黍稷稻麥

九州及山鎮澤數言曰者以其非一曰其大者耳此州界楊荆豫兖雍冀與禹貢略同其州則徐州地也幽并則青冀之北也先徐梁

又其外方五百里曰衛服又其外方五百里曰蠻服又其外方

五百里曰夷服又其外方五百里曰鎮服又其外方五百里曰

藩服服事天子也凡邦國千里封公以方五百里則四公方

四百里則六侯方三百里則七伯方二百里則二十五子

方百里則百男以周知天下以此率偏知四海九州邦國多少之數也

積以九約之得十一有奇六七伯者字之誤也周九州之界方七千里七十四十九

方千里者四十九其一為畿內餘四十八九州各有方千里者六周公變殷湯之制

雖小國地皆方百里是每事言則者設法也設法者以待有功而大其封一州之

中以其千里封公則可四又以其千里封侯則可六又以其千里封伯則可十一

又以其千里封子則可二十五又以其千里封男則可百公侯伯子男亦不是過也

州二百一十國以男備其數焉其餘以為附庸四海之封黜陟之功亦如之雖有大

國爵稱子而已鄭司農云此制亦見大司徒職曰諸公之地方五百里諸侯

之地方四百里諸伯之地方三百里諸子之地方二百里諸男之地方百里

凡邦國小大相維大國比小國小國事大王設其牧選諸侯之賢者制其

職各以其所能牧監參伍之屬制其貢各以其所有國之地王

將巡守則戒于四方曰各脩平乃守攷乃職事無敢不敬戒

國有大刑猶女也守謂國竟及王之所行先道帥其屬而巡戒

令先道先由王所從道居王殷國亦如之殷猶眾也十二歲王若不巡

戒四方諸侯與巡守同

土方氏掌土圭之灋以致日景致日景者夏至景尺有五寸冬以

土地相宅而建邦國都鄙七地猶度地知東西南北之以辨土宜土

化之灋而授任地者土宜謂九穀植稗所宜也土化地之輕王巡守

則樹王舍為之懷方氏掌來遠方之民致方貢致遠

物而送逆之達之以節遠方之民四夷之民也諭德延譽以來之遠物九州

治其委積館舍飲食續食其合方氏掌達天下之道

各津梁相湊通其財利茂遷其同其數器權衡不得壹其度量尺

距不得陪絕

釜鍾不得有大小除其怨惡怨惡邦國相侵虐同其好善所好所善謂風俗所高尚

訓方氏掌道四方之政事與其上下之志道猶言也為王說之四方諸侯也上下君臣也

誦四方之傳道傳道世世所傳說往古之事也為王誦之若今論聖德堯舜之道矣故書傳為傳杜子春云傳當爾傳書亦或為傳正

歲則布而訓四方布告以教天下使知世所善惡而觀新物四時於新物出則觀之以知民志所好惡

志進行辭則當以政教化正之

刑方氏掌制邦國之地域而正其封疆無有華離之地杜子春云

離當為雜書亦或為雜立謂華讀為孤哨之孤正之使不孤邪離絕使小國事大國大國比小國比猶

親也易比象曰先王以建萬國親諸侯

山師掌山林之名辨其物與其利害而頒之于邦國使致其

珍異之物山林之名與物若岱畎絲枲陽孤桐矣利其中人用者害毒物及蝥蠃之蟲獸

川師掌川澤之名辨其物與其利害而頒之于邦國使致其

珍異之物川澤之名與物若泗水浮磬淮夷蠙珠暨魚澤之漚蒲

邊師掌四方之地名辨其丘陵墳衍邊隰之名地名謂東原物

之可以封邑者物之謂相其土地可以居民立邑

匡人掌達灋則匡邦國而觀其隱使無敢反側以聽王命

法則八法八則也邦國之官府都鄙亦用焉隱姦偽之惡也反側猶背違法度也書曰無反無側王道正直

擇人掌誦王志道國之政事以巡天下之邦國而語之道猶言也

使萬民和說而正王面面猶鄉也使民之心曉而正御王

都司馬掌都之士庶子及其眾庶車馬兵甲之戒令庶子卿大夫士之

以國灋掌其政學政謂賦稅也學脩德學道以聽國司馬聽者

家司馬亦如之大夫家臣為司馬者春秋傳曰叔孫氏之司馬般戾

周禮卷第八





